

20 Pge.

23
24

DISSERTATIO MEDICA
INAUGURALIS,
DE
SANGUINIS MISSIONE

QUAM,
ANNUENTE DEO TER OPT. MAX.

Ex auctoritate Magnifici Rectoris,

D. JOANNIS ORTWINI WESTENBERGII,

J. U. D. ET JURIS CIVILIS ROMANI AC HODIERNI IN
ACADEMIA LUGDUNO-BATAVA ANTECESSORIS
ORDINARI:

NEC NON

AMPLISSIMI SENATUS ACADEMICI CONSENSU,
ET NOBILISSIMÆ FACULTATIS MEDICÆ DECRETO;

PRO GRADU DOCTORATUS,

SUMMISQUE IN MEDICINA HONORIBUS, ET PRIVILEGIIS
RITE AC LEGITIME CONSEQUENDIS,

Eruditorum Examini submittit.

JOANNES LEECH, Anglo Britannus.

Ad diem 3. Aprilis, 1725. horâ locoque solitis.



Handwritten text in a cursive script, likely a letter or a page from a manuscript. The text is arranged in several paragraphs, with some lines indented. The ink is dark and the paper shows signs of aging and discoloration.

Handwritten text in a cursive script, continuing from the previous section. The text is arranged in several paragraphs, with some lines indented. The ink is dark and the paper shows signs of aging and discoloration.

NOBILISSIMO
PLURIMUMQUE HONORANDO
HENRICO BOOTH
ARMIGERO
ILLUSTRISSIMI
COMITIS DE WARRINGTON
FRATRI GERMANO
OB GENTIS HONOREM
PIETATEM IN PATRIAM
HUMANITATEM IN OMNES
QUAM MAXIME
COLENDO.

*Hancce Dissertationem summâ
cum Observantiâ*

D. D. D.

J. LEECH.



DISSERTATIO MEDICA
 INAUGURALIS
 DE
 SANGUINIS MISSIONE.

I.



Sanguinis Missio, Remedium est adeo celebre, adeoque frequenter ab iis, qui Generis humani sanitati consulunt, præscriptum; ut operæ pretium duxerim, nunc cum mos Academicus aliquid jubeat, paucis in eam inquirere: Quo mihi, si quando ægrotis invigilandis & sublevandis, cura demandetur; methodus certior & promptior, in illius Administratione vel Omissione constet.

II.

Probè scio, quosdam haud infimi inter Medicos nominis, ejns usum improbasse, quinimò quamplurimum periculi & damni
 A ab

ab eo ferè semper esse timendum, opinatos fuisse. Inter veteres, *Chrysippus*, *Herophilus*, *Erasistratus* & eorum Sectatores, hanc sententiam amplexi esse videntur; inter eos qui non ita diu abhinc vixerint, *Helmontius*, & varii Chemiæ fautores: Hoc eorum ab aliis diffidium, nequaquam nos ab hac inquisitione terrere, sed tantum magis cautos facere, debet; ut nihil temerè, admittatur.

Quo autem clarius procedam, hæcce tria mihi proposui. Primò, *Quædam de sanguine ipso & vasis in quibus fluit, dicere.* Dein, *Quinam præcipuè effectus, ab ejus Missione sequantur, exponere.* Tandem, *in quibus casibus, ejus usus sit admittendus, observare.*

III.

Per sanguinem intelligo, *Fluidum illud, quod in statu sanitatis, in Arteriis & Venis continetur, & per eas dum vita manet, continuo fluit.* Sanguis hicce, quamvis dum in motu persistat, ubique sibi similis appareat, partibus tamen admodum heterogeniis constat: Hoc patet,

1. A Chylo in sanguinem mutato; qui ex omnium generum Liquidis, Vegetabilibus & Animalibus, conflatur; unoquoque horum, ex particulis valdè inter se differentibus etiam composito.

2. A secretionum & excretionum, quæ ab eo fiunt, diversitate: Illinc quippe, Saliva, Mucus, Succus Pancreaticus, Bilis Cystica & Hepatica, Urina, Semen, Sudor, Materia perspirabilis, Liquidum nervosum, &c. seperantur.

3. A sanguinis in vasis circulantis, microscopiorum ope, conspectu; unde Globuli Rubri, in liquido Seroso, natantes, sese exhibent ⁽¹⁾.

4. Ex Analyfi ejus Chemicâ, per quam in Spiritum, Salem, Oleum, Aquam, & Terram resolvitur ⁽²⁾. Quæ quamvis eodem modo, non præextiterunt in sanguine, ut postquam actionem ignis subierunt, apparent; satis tamen demonstrant, particu-

(1.) Lewenhoeck. Epist. ad Hook. & passim.

(2.) Boyl. Exper. circa Sang. Willis de Febr. c. I.

ticulas diversas ei inesse, ex quibus corpora adeo discrepantia, educi queant.

IV.

Ut vero sanguis, functionibus animalium obeundis, (quæ omnes ferè ab eo immediatè vel mediatè dependent) aptior evadat, Requiritur,

1. *Determinata* ejus *Craſis* vel *Temperatura*; quæ conſiſtit in juſtâ proportionem, ſoliditatè, figura, cohæſione, elatiſticitate & mole, particularum diverſarum, ejus maſſam conſtituentium: Hinc ſecretiones aptæ fiunt, & corporis juſta temperies conſervatur.

2. *Certa* ejus *Quantitas*; quâ vaſa continuò repleta ſerventur, & motus uni ejus parti impreſſus, cæteris communicetur.

3. *Motus* etiam *determinatus*, ut fluxilitas conſervetur; Ne ſcil. particulæ homogeneæ ad ſe mutuò uniantur, & inde partes maximè lentefcentes in concretiones indureſcant.

Non quod putem eandem præciſè Craſin, Quantitatem vel Motum, diverſis hominibus ad ſanitatem conſervandam eſſe neceſſariam: Quinimò notabilis differentia in iis fieri poteſt, ſine eo quod morbo laborare, quis dicatur. Ita, EG, Quantitas, proportionem habere debet, vaſorum capacitati, motûs ſanguinis velocitati, temperamento ſubjecti & exigentiæ functionum quibus animal potitur. Hæc autem omnia variant, pro ætate, tempeſtate anni, regionis conſtitutione, ſex rerum non naturalium uſu, &c. Hinc adeo abeſt, ut quantitas eadem diverſis hominibus, ut nec eidem, in variis circumſtantiis ſit neceſſaria.

V.

Cor, quod Fons & origo eſt motûs omnium in corpore fluidorum, fibris conſtat muscularibus, diverſâ ſerie ſibi mutuò incumbenſibus, & angulis variis ſe invicem decuſſantibus (1). Quamplurimis etiam Nervis, a Parivago & Intercoſtalibus, gaudet.

A 2

det.

(1.) Lower de Corde Tab. 2.

det (1). Hinc actio ejus admodum fortis evadit, quò resisten-
tias sanguini a se expellendo, majori cum facilitate, superare
possit.

Arteriæ & Venæ per quas sanguis movetur, tunicis constant
diversis, in arteriis plus, in venis minùs fortibus; hinc Arteriæ
præcipuè, fiunt Elasticæ, h e, contractionis & distractionis
capaces.

VI.

Omnia hæc vasa, cum *Corde & inter se*, continuò communi-
cant; Eâ lege, ut sanguis e Cordis ventriculis, actione ejus
musculari expressus, per arterias, (earum contractilitate & distra-
ctilitate opem ferente) in minima corporis feratur, scil. a majo-
ribus in vasa minora, usque dum in Capillaria perveniat; Qui-
bus in initia Venarum desinentibus, aut potius unum vas con-
tinuum cum iis facientibus, sanguis per eas versus Cor revehi-
tur, a vasis minoribus in majora (musculorum actionibus, ar-
teriarum vibrationibus, & valvulis, ejus recursum promoven-
tibus) usquedum in Sinus Venosus & Cordis Auriculas & inde
per Orificia venosa in Cor ipsum deportetur. Ab hac continua
sanguinis circulatione, vita dependet; & ab ejus æquabilita-
te, regulare omnium corporis functionum exercitium.

VII.

Ut verò natura sanguinis penitiùs indagetur, haud abs re
erit quædam experimenta, quæ ei Illustrandæ inserviunt,
recensere.

Si sanguis ex quacunque Venâ vel Arteriâ sit eductus, & fri-
gori exponatur, in *Vaporem, Grânum & Serum*, spontè secedit.

Vapor hicce, odorem spirat aliquantulum ingratus; nec
multùm ab eo discrepantem, qui abdomine animalium quorum-
vis aperto, exhalat; & oriri videtur ab Aqua & particulis oleo-
fis quam maximè attenuatis.

VIII.

(1.) Id. c. 1. Tab. A. Vieussens Neurogr. Tab. XXIII.

VIII.

Grumus placentæ instar, intra serum hæret, & in massam satis tenacem transit.

Sero est specificè gravior, & inde nisi bullulis aeriis, (dum effluit, collectis) impediatur, fundum petit (¹).

Componitur ex Globulis rubris, qui dum sanguis movebatur, sero innatabant; nunc verò mutuâ eorum attractione & gravitate, in unum coalitis.

Si ex sero eximatur, & in aere paulisper calido & humido, filo suspendatur, totus ferè in *serum* resolvitur.

Globuli ex quibus unitis, *hicce Grumus* componitur, microscopiis conspecti, sex minoribus globulis, certo ordine sibi invicem cohærentibus, constare apparent: qui a se mutuò sepe-
ti, colorem rubrum amittunt, & in flavescentem degenerant (²).

Hinc sola differentia inter *Grumum* & *serum* est, Quòd prioris Particulæ magis comprimantur, densentur, inter se uniantur, & situm inde diversum ad se mutuò acquirant; unde Radios lucis diversos reflectunt, & loco lutei, Coloris rubri Ideam exhibent.

IX.

Serum est flavescent, Grumo levius, saporis Salis Armoniaci vel Marini, tenax ferè ut albumen ovi, & in eo nulla adest rubedo.

Si foveatur tepore hominis sani, magis magisque resolvitur; tandem ferè in solam *Lympham*.

Particulæ ejus microscopiis conspectæ, ex aliis sex minoribus particulis conflari videntur; ita ut eadem ratio sit, inter has & Globulos serofos, quæ inter Globulos serofos & Rubros (³).

Hinc ut Globuli Rubri differunt a Serofis; ita Serofi, a Lymphaticis; scil. ob majorem particularum suarum compressionem,
A 3 den-

(1.) Boyl. Exper. De Sanguine: Act. Britan. Epitom. Vol.V. p. 320.

(2.) Lewenhock Epist. ad Hook. & Ep. 128.

(3.) Id.

densitatem & situm diversum: Et ut primi Coloris Rubri ideam exhibebant; ita Serosi, colorem Refrangibilitatis gradu proximè ad eum accedentem, exhibent.

X.

Si *Sanguis* priusquam in Grumum & serum secedat, cum *Aquâ* ponderetur, eâ *specificè* *gravior* esse deprehenditur ⁽¹⁾.

Serum postquam a Grumo separatur, est etiam *Aquâ specificè* *gravius*.

Aqua maximam partem eorum, quæ pro alimentis assumimus, pondere excedit; a fortiori ergo & serum.

Grumus autem *Aquâ*, *Sero* & *omnibus iis*, quibus pro potu & cibo utimur, est *gravior* ⁽²⁾.

Grumus & *Serum*, h. e. sanguis, ex *hiscè Alimentis*, in massam adeo fluidam & tenuem redactis, ut per Lactea vasa transferre possint, fit.

Facultas ergo est in homine, qua hæc leviora, & sanguini adeò dissimilia, in fluidum *specificè* *gravius*, & aliis respectibus a seipso adeò discrepans, densentur, mutantur.

XI.

Sanguis ex homine *Forti*, & *Exercitiis* multum *assueto*, eductus, majorem Grumi copiam continet, & citius concrescit, quam qui ex alio minus exercitato detrahitur ⁽³⁾.

Idem observatur in iis qui *morbis acutis* laborant, ut EG Febre ardente, Pleuritide &c. in quibus ferè totus in Grumum abit.

In *hiscè utrisque*, actio solidorum in Fluida, & Fluidorum in solida, est *Fortis* & *magni momenti*.

Sanguis ex corpore eorum qui *Debiles*, *Cachectici*, *Hydropici* &c. sunt,

(1.) Vide Boyle Exper. circa Sang. Aët. Britan. Epitom. Vol. V. p. 320. &c.

(2.) Id. passim.

(3.) Harvey, De Generat. Animal. Exercit. LII.

sunt, emissus, quam minimùm Grumi continet; sed totus ferè in serum vel aquam secedit ⁽¹⁾.

In talibus, Actio reciproca solidorum & fluidorum, est *Debilis* & *parvi momenti*.

Ex quibus omnibus sequitur, *Facultatem* eam per quam Alimenta in Globulos Rubros, Serosos &c. h. e. in Sanguinem mutantur, esse *actionem Vasorum*; a quâ Chylus in corporis vasa inductus, continuò movetur, premitur, densatur, mutatur.

Et cum Vasorum actio præcipuè locum habeat, in *Pulmonibus* & *Arteriis*, patet in iis præcipuè hanc mutationem fieri.

XII.

Si hæc *Actio* sit *Æquabilis*, *Modica*, nec *Excessu* nec *Defectu* peccans; tum sanguis fit talis, qui ad sanitatem requiritur: h. e. Ea fit proportio Globulorum Rubrorum, Serosorum, Lymphaticorum, &c. quæ omnibus vasorum seriebus respondeat; ita ut nulla, liquidis suis orbetur; nulla iis nimium repleta, lædatur.

Si vero sit *nimis Magna*; tum Liquida in vasis contenta, nimis comprimuntur, densantur; Copia Globulorum rubrorum fit nimis ingens respectu reliquorum; Hi ad se mutuò compinguntur; vel in Vasa aliena, ut Serosa, Lymphatica, adiguntur; Circulatio regularis & ordinata perturbatur; & omnis generis Morbi *Inflammatorii* faciliè producuntur.

Si tandem hæc actio sit *nimis Debilis*; tum Alimenta in corpus ingesta vix mutantur; Globuli rubri &c. vix producuntur; sed eorum loco, vasa implentur liquido Crudo; vel tam Tenui ut per ductus Cutaneos, Intestinales, Renales &c. faciliè diffluet; vel tam Lento, ut in Vasis lateralibus stagnet, accumulatur: Hinc infiniti Morbi præsertum *Chronici* fiunt.

XIII.

(1.) Id. Ibid. Hippochr. de Affect. c. 20. Botall. de Curat. per SM. c. 8. §. 5.

XIII.

HISCE PRÆMISSIS, nunc ad *Effectus sanguinis e Vasis educationem sequentes exponendos*, accedendum: Cum verò hi quam maximè varient, pro ratione naturæ & constitutionis Sanguinis educendi; & Quantitatis ejus qui in Vasis existat; ut confusio evitaretur, secundum hasce ejus differentias, Effectus diversi deduci debent. Hæc vero res est majoris Moliminis, quam ut intra Limites huic Disquisitioni proprios, contineri possit; Ea ergo tantum leviter attingam; Postea aliquid de *Revulsione & Derivatione* etiam dicturus.

XIV.

Si Sanguis quoad *Copiam & Densitatem*, satis benè sese habeat, nec multum a naturali deflectat; tum ex *Copiæ imminutione*,

Effectus in *Solida* erunt, Quòd Vasorum latera minus extrorsum trudentur; Elastica sua vi ad se mutuò propiùs accedant; Hinc directio fibrarum Vasorum latera constituentium, in Statum minùs violentum reducitur; Actio eorum minùs fortis erit: h. e. *Laxiora & Debiliora* reddentur.

Effectus in *Fluida* erunt, Quòd minùs premantur; Spatium majus occupare possint; Particulis illa componentibus, Libertas major a se mutuò recedendi concedatur; Hinc Densitas eorum minuetur, quæ est in ratione Pressionis; h. e. *Tenuior & Rarior* erit eorum Textura, & Particulæ magis aptæ per Vasa lateralia & minora transire evadent.

Ab his utrisque, *Vis* corporis, quæ est in ratione compositâ *Stricturæ* fibrarum & fluidorum. *Densitatis*, minuetur.

Prætereà, cùm a Copiâ sanguinis imminutâ, Quantitas minor a Corde per totum Corpus distribuatur; hinc etiam pro proportionem Carotidum internarum & Cervicalium arteriarum, ad cæteras Corporis arterias, *minor Quantitas* in eodem tempore ad *Cerebrum & Cerebellum* pertinet: Et cùm Secretiones omnes, cæteris paribus, sint in Ratione quantitatis Sanguinis ad organa Secretoria applicatæ; *Minor* erit Liquidi nervosi *Secretio*; Hinc minor

minorejus per Nervos, ad omnes corporis partes distributio: *Actio* igitur Cordis, & aliarum partium muscularium (quæ ab hujus influxu præcipuè pendet) *debilior* reddetur: Hinc minori vi Cor sanguinem expellet, & Vasa omnia in eum agent.

XV.

Hiscè ita se habentibus sequitur, Quod,

Impetus seu *Momentum*, quo sanguis ad omnes corporis partes propellitur, *minuetur*; & minori vi, in Vasa omnia capillaria irruet. Momentum enim ejus est in ratione Copiæ; & Contractionis, cordis & vasorum, validæ: His utrisque igitur imminutis, effectus ab iis sequentes etiam imminuuntur.

Velocitas minor erit: Hæc enim cæteris paribus est in ratione Copiæ; Copiis autem æqualibus, est in ratione frequentiæ & vis, motûs Cordis: Frequentia & vis Motûs cordis, pendet a Quantitate sanguinis in ejus Cava & substantiam impulsâ, Et Quantitate, & Celeritate, influxûs Liquidi nervosi, in nervos Cardiacos: Hæc autem omnia per præc. imminuuntur. Ergo & velocitas.

Calor etiam *minùs Intensus* evadet; Hic enim solummodo pendet, ab Attritu Vasorum, & Fluidi per ea propulsi, in se mutuò; Et hic Attritus proportionalis est, Solidorum stricture, Sanguis densitati, & Cordis actioni: Hæc autem omnia, a Sanguinis detractiōe, minora fiunt.

XVI.

Si *Sanguinis Densitas* ita *augeatur*, ut Cor Sanguinem in se influentem exprimere, vel Vasa eum propellere, vix aut ne vix possunt; Sed resistentia Fluidorum ad Solidorum vim sit adeò ingens, ut *Circulationis Suppressionem* miniretur: Tum a *Sanguinis Missione*, ille qui in Vasis manet, rarefcit; Minùs densus, magisque meabilis evadit; Proportionalis Vis Vasorum, ad Fluidorum Resistentiam, major fit; Actio eorum reciproca

B

auge-

augetur : Hinc Sanguinis *Impetus*, *Velocitas*, *Calor*, *maiores* erunt; Et omnia priori casui contraria evenient : Si Scil. nimia *Quantitas* non detrahatur; Si verò Sanguis valdè copiosè sit eductus, vel ejus *Missio* pluries repetatur, tum *Effectus* priùs recensiti sequentur.

Eadem ferè fiunt, si *Plethora* adest, quamvis Sanguis sit minùs densus, quàm par est: Tum enim *Suffocatio* ad *Vasa* præcavetur; *Vasa* vim suam contractilem *aliquatenùs* recuperant; & actio eorum in *Fluida* fit major: Sed *Impetus*, *Velocitas*, *Calor*, erunt longè *debiliores*; eò quòd *Vasa* laxa in *Fluidum* tenue, & vicè versâ, fortiter agere haud queant.

Si verò Sanguinis *nimia Densitas*, & *Plethora*, simul adsint; tum a *Quantitatis* *Imminutione*, effectus prædicti, & *Augmentum* *Impetûs*, *Velocitatis*, & *Caloris*, longè magis conspicuè sese manifestant.

XVII.

Si Sanguinis *Quantitas non sit nimis ingens*, & ejus *Crasis* adeò *debilis*, ut pauci *Globuli Rubri* adsint; Sed eorum loco, *Cru-da* & *Incocta materies*: Tum a Sanguinis *Missione*, causa omnia hæc mala producens, augetur; Sanguis adeò lentè movebitur, ut in statum magis perfectum mutari nequeat; *Cor* & *Arteriæ* adeò debiliter contrahentur, ut Sanguis per *Capillaria* & *Minima Vasa*, vix propelli queat: Hinc *Frigiditas*, *Obstructiones*, *Concretiones* puitosæ, *Humorum corruptiones*, *Vasorum destructiones* &c. inducuntur, augentur.

Non opus est ut quidquam de *Cacochymiis* addam: Omnes enim hæ, vel agunt ut stimuli, motum scil. Sanguinis augendo, vel aliis *Qualitatibus* eum minuendo: Hinc ad aliquem è *Casibus* prædictis reduci possunt: Hæc enim vel illâ *Qualitate* præsentè, eòdem ferè redit, ac si *Densitas* vel *Quantitas*, alia atque alia adesset.

XVIII.

XVIII.

Effectus prægressi Sanguinis Missionem sequuntur, ex quocunque Vase, in quâcunque Corporis parte, fiat; Adeò ut ferè nihil referat, an hoc, an illud Vas sumatur; modò Copia æqualis sit emissâ. Si verò *Topicus* quidem effectus est producendus, tum aliter res erit disponentia, & hujus vel illius partis, ratio habenda; quò majori cum certitudine, Effectus propositus attingatur. Omnes hi peculiare Scopi reduci possunt, vel ad *Revulsionem* Humorù ex aliqua parte, vel ad eorù *Derivationem* in aliquam partem, & Effectus ex his utrisque sequentes: Pauca igitur de hisce sunt addenda, & primò de *Revulsione*.

XIX.

Quò melius hæc intelligatur considerandum est, Quod *Fluida* quævis intra Canales coarctata & undique pressa, eò versus tendent, ubi minima adsit *Resistentia*. — Quod corpora quævis in motu semel posita, eandem *Directionem* servabunt, nisi vi aliquâ ab eâ declinare cogantur. Et tum in *Directione* quantum fieri potest, maximè propinquâ illi, ubi minima adsit *Resistentia*, movebunt.

Ita Sanguis, intra Vasa contentus, undique pressus, & a Corde per totum corpus diffusus; Si modo *Apertura* in qualibet parte fiat, ita ut *Resistentia* ejus Motui progressivo (quæ a Vasorum plenitudine, Figura & Tenacitate imprimis pendet) dematur; majori Copia & Impetu, quâ datâ portâ ruet; Et dein in Vasa huic proximè posita, magis quam in ea quæ longius absunt, determinabitur: Hinc *Impetus* & *Copia* Sanguinis ad omnes corporis partes fluens, erit *reciprocè* ut *Distance* earum à Vase aperto. Si igitur *Quantitas* major, quam quæ Sanitati conveniat, in Vasis quibuscvis sit; & Sanguis ex Vasis ab iis longè distantibus * detrahatur, *Quantitas*

B 2

in

* Enitendum est, inquit Hippocrates, ut Venarum Sectiones, quam lon-

in ea ubi Accumulatio fit, fluens, multò minor erit: Hinc Sanguis accumulatus a tergo minùs premetur; Densitas ejus minuetur; Rarefcet & sponte resolvetur. Eodem tempore Vis illa, quâ Vasorum latera, a Vi sua contractili tam fortiter exercendâ prohibebantur, amovetur: Hinc Vasa in Fluidum minus densum, h. e, Motui aptiorem, totâ suâ vi liberè agentia, eum expellent, & ita sese ab Onere incumbente liberabunt.

Hi Effectus producuntur, si Vena, ubi Sanguis fluit lentius, aperiat; si vero Arteria sit, (ex quâ ferè infinitè velocius effluit) *Revulsio* erit citior & efficacior: Omnium autem optimè si ad Animi deliquium fluere permittatur, *Tum enim, & per Arterias & Venas, Sanguis fit refluus; adeò ut ejus Pressio in Partem obstructam, penitus amoveatur; & a Frigore tum superveniente, Vis elastica Vasorum quamplurimum etiam augetur* (').

XX.

Sequitur *Derivatio*; per quam intelligo, majoris Sanguinis Quantitatis, ad singularem Corporis partem, in dato Tempore, Determinationem, quam quæ aliter in eodem tempore, illuc appulisset: Ut hoc autem fiat, observandum est, Quòd omnes Arteriæ & Venæ, unum Vas continuum constituent; differunt tantum in eo, quod *Illæ*, Sanguinem a Corde deferunt, *Hæ* autem illum, versus Cor reducunt: Si igitur Sanguis ex qualibet Venâ mittatur, omnes Arteriæ in illam Venam desinentes, minòri resistantia, Sanguinem in se influentem, propellere possunt; inde major sanguinis Quantitas in eas a Corde determinabitur, h. e, Momentum sanguinis ibi majus erit, quam in qualibet aliâ Corporis parte: Hinc, si Obstructio fiat in extre-

longissimè a locis faciamus, ubi dolores fieri & Sanguis colligi solet: Sic enim mutatio magna subitò fiet, & Consuetudinem removebit, ut non amplius in eundem locum colligatur. De Nat. Hum. c. 22. De Venis. c. 13.

(1.) Bellini de Sanguinis Missione. Prop. 8.

tremitate quarumlibet Arteriarum, in Venam dissectam definentium, adeò ut liberum iter Sanguini præcludatur, Momentum ejus ibi intendetur; variis & repetitis Ictibus in eam nitetur; & tandem Materiæ obstruentis Resistentiam superans, veterum alveum denuò possidebit; & ita sese a Morbofo statu incipiente vindicabit.

Si verò Obstructio sit major, & diù ibi inhæserit, tum ab hac Derivatione, Sanguis obstructus magis densatur; Vasa eum continentia magis dilatantur; & Obstructio ipsa, pejor & impactior evadet.

Si nihil aliud quam *Revulsio* vel *Derivatio* proponatur; eæ sæpè citius & tutius, *Epispasticis*, *Cucurbitulis*, *Suctu*, *Fotu* &c. procurari queant, quam *Venæ Sectione*; unde Sanguis a Parte, ubi cum Periculo aggeritur, in Locum minùs periculosum deduci possit.

XXI.

RESTAT nunc ut *Morbi*, in quibus Sanguinis Missio, institui possit & debet, *Observentur*; & ut quidnam sit in hisce Morbis, quod hanc Medendi Methodum expostulet, indicetur: Quò autem Labor inutilis & Factu impossibilis, omnes scil. speciatim enarrandi evitetur, eos ad quasdam Classes generatioris redigere conabor: Simulque Exempla quædam ex *Veteribus*, qui jure maximi in Medicina habentur, adducam; & quantum fieri potest ipsorum Verbis utar; ut ita Sententiæ eorum hâc in Re, clarius & certius appareant.

XXII.

Primò, In omni *Plethora majori*, hæc Operatio institui debet: Quidquid enim dicant Nonnulli, de Copiâ sanguinis, per Abstinentioniam &c. imminuendâ, Periculum sæpè adeò imminet, ut ni illicò succurratur, omnia quæ fieri queant, incassum postea tententur.

Si ergo *Plethora* talis sit quæ *Pulsus plenum sed debilem*, sibi

B. 3.

ad

adjunctum habeat; tum metuendum est, ne sanguinis *Circulatio* omnino *intercipiatur*, a *Resistentia* Fluidorum, Vim contractilem Solidorum superante; vel Ne in *Visceribus* quibusdam *Accumulatio* fiat & *Functiones* eorum inde lædantur; vel ne Sanguis *Indoli propriæ permissus*, nec a Vasis sufficienter actus, sani Humoris naturam exuens, *Cacochymicus* evadat.

Si verò *Talis* sit, quæ Sanguinis *Motum* magis augeat & ita *Febrem ardentem* progignet; tum *Evacuatio* fieri debet, ne *Momentum* Sanguinis, nunc ferè in immensum auctum, in Vasa debilia in *Cerebro* & aliis *Visceribus* jugitèr arietando, ea vel *Inflammet* vel *Perrumpat*; & ita nefandos *Effectus* pro natura Loci, ubi hoc fit, producat.

Hinc (dicit Aretæus) Si *VERTIGO* vel *MELANCHOLIA* ob suppressas *Hæmorrhoidas*, vel *Menses*, vel *Narium Hæmorrhagiam*, fluere consuetas, fiat; Primò, usitata *Excretio* est tentanda: *Salutare enim Naturæ est Materiæ recursus*: Sin hoc non succedat, sed *Malum* incre scat, tum Sanguis a Vena Cubiti, dein Nasi vel Frontis, est mittendus; vel Arteria in Capite aperienda ⁽¹⁾.

APOPLEXIA, (inquit Idem) *morbus est validus & in Senibus vix medendus*: Si *Juvenis* verò sit æger & *Apoplexia* debilis, curare quidem haud facile, periculum autem facere oportet: & huic, utpote *Affectui* magno, Remedio magno, scil. *Phlebotomia*, est opitulandum: *Quantitatem* Sanguinis detrahendam, determinare est difficile: Si enim nimium detraxeris, *Hominem* jugulas; Si minus quam *Causa* postulat, nihil auxilii adfers: Præstat minus detrahendo delinquere, & ita si aliquis successus utilis apparuerit, denuò erit repetenda: *Cæterum si a Frigiditate multâ, Torpore, &c. Vena* minimè secanda videatur; *Alvus* tum acritèr evacuanda, quò *Revulsio humorum, a Capite* fiat ⁽²⁾.

Quædam *ICTERI* species, (inquit Medicorum Princeps) a *Repletionem* & *Ebrietate* maximè fit; postea fit *Rigor*, & statim
Cor-

(1.) De Curat. Diuturn. L. 1. c. 2. & 5.

(2.) Aretæus, De Curat. Acutor. L. 1. c. 4.

Corpus mutatur, & flavescent sit; & Oculi valdè flavi fiunt; & sub Pilos & Ungues, morbus se ostendit; Et Rigor & Febres debiles tenent; & debile est Corpus; & in capite adest Dolor; Et flavum & crassum mingit: Huic Sanguinem ex Cubito detrahito; dein Fomentorum applicatione, calidâ Aquâ lavando, Purgationibus &c. curam absolvito (1).

In FEBRE ARDENTE & omnibus MORBIS ACUTIS Venam secare, Jubet Idem; *si vehemens appareat Morbus; & qui ipsum habeant, in vigore Ætatis fuerint; & Robur ipsis affuerit: Si verò Debiliores appareant, tertio quoque die Clystere utere, donec in tutò fuerit Æger. (2)*

XXIII.

Secundò, In omni Inflammatione majori, præcipuè cùm in tali Corporis parte locum habeat, in quâ Periculum adest ingens vel Mortis præsentis, si modo augeatur; vel Morbi alicujus Chronici, si Suppuratio fiat, ex eo scil. quod Pus in Cava corporis exeat; vel Schirri aut Cancri, si in locis Glandulosis sit; In hisce, inquam, casibus Sanguis est mittendus, nisi signa Resolutionis statim sese manifestent: Quid enim Sanationem magis expedire queat, quam Vim Vitæ imminuendo, Vasa laxare; Sanguinem minùs densum reddere; Calorem mitiorem facere; & a parte affectâ Revulsionem promovere? Aut quid magis Crudele excogitari potest, quam vitam & sanitatem ægroti periclitari, Remediis incertis, si non perniciosiss; cùm hoc adeò efficax & tutum præstò sit? Citissimè etiam hæc Vasorum Inanitio institui debet; sæpè enim initio neglecto, post est Occasio calva. Hinc Veteres intra triduum, ubi Inflammatio violentior adesset, sollicitissimè Sanguinem mittere jubebant; optimè scientes, si diutius omitteretur, vel Suppurationem vel Gangrænam fore expectandam.

Ita

(1.) Hippocrates de Intern. Affection. c. 40.

(2.) Idem. De Diaet. Acut. c. 35.

Ita in CEREBRI INFLAMMATIONE, ubi Dolor totum Caput, maximè partem inflammata occupat; Aures Sonitu implentur, & Auditus hebescit; Venæ tenduntur & pulsant; Febris & Rigor corripunt: & Dolor nunquam deficit, sed major minorve fit; & vociferatur Aeger, & Anxius fit præ dolore: Caput radere, & externis applicatis frigefacere; & Sanguinem detrudere & Ptisanæ Succum Sorbere, & Alvum infernè solvere, Jubet Hippocrates. (1)

In PHRENITIDE (inquit Aretæus) si Mentis alienatio unà cum Febre à principio invaserit, Vena in Cubito, primo aut secundo die est secanda: Quod si non nisi tertio aut quarto die, Mentis alienatio accesserit, tum ad primum decretoriorum Dierum circuitum, Venæ sectio est instituenda: Ne autem multum Sanguinis detrahatur; Phrenitis enim faciliè in Syncopen mutatur: Et quantum fieri potest, in Febris remissione Sanguis est mittendus. (2)

In ANGINA, (dicit Idem) in quâ Inflammatio externè sese manifestat: Si crapula & ebrietas in causa sit, Alvus infernè est emollienda; Si tenuis autem victus præcesserit, scindere cubiti Venam expediet: Et latior Sectio, quo majori cum impetu Sanguis copiosior emanet, facienda est; Talis enim Fluxus, Calorem illicò mitigare, Strangulatum solvere, & Omnia diminuere valet: Haud ignobile quòque adjumentum præstat, si ad Animæ usque defectum perduxeris, ut tamen Anima non usque deficiat — Si tumeat Guttur, ita ut Lingua ad palatum reflectatur, Venas ipsius secato. (3)

In PLEURITIDE, (jubet Idem) die quo in vaserit, Vena scindatur; Sin autem ex ingurgitatione Ciborum, Potùsque ægritudo provenerit, inediae diem unum Aegroto imperanda, & dein Vena cubiti secanda: Sanguinem ne ad Animi deliquium fundito; ex

Corpo-

(1.) De Morb. L. 3. c. 1.

(2.) De Curat. Acut. Lib. 1. c. 1.

(3.) Aretæus. De Cur. Acut. L. 1. c. 7.

Corpore enim refrigerato, Peripneumoniæ periculum adest. Quapropter cum mediocritèr Sanguis effluxerit, interjecto ad recreandum hominem temporis spatium, iterum detrahere oportet; Si benè quidem habeat; eodem die, cum longa sit Remissio; Sin minùs postridiè. Quod si neque tum Febris remittat, (sæpe enim diem unum occupat & augetur) tertio die Sanguinem iterum Mitte: (1)

Quoniam Hippocrates hâc in re, nonnihil ab Aretæo differat, ejus methodum etiam adjungam. Si Juvenis (inquit ille) unius diei spatium, vel duorum vel trium laboraverit, Venæ Sectione affecto est opitulandum, priusquàm ipsum opprimat passio & vires deficiant (2) -- etiamsi Sputum non adest, sed sicca sit (3) -- præcipuè vero si Dolor versùs Claviculam, vel circa Mammam, aut Diaphragma hæreat; Et Sanguis est detrahendus donec multo rubicundior fluxerit, (4) — vel si valdè acutus fuerit Dolor, usque ad Animi deliquium. (5)

In PERIPNEUMONIA, (inquit Idem) ubi Tussis fortis & dura adest: & Respiratio adeò difficilis, ut nares expandat Ager, veluti Equus a cursu; & Linguam frequenter exerit; & Pectus ipsi canere videtur; & Gravitas ei inesse; & Dolor acutus emergit; & Dorsum & Pectus, & Latera veluti acubus punguntur; & quasi rebus desperatis Anxius seipsum jactat, & jam mori videtur. Huic Clystere citissimè injecto, de Cubito & Naso & Lingua, & quâvis corporis parte Sanguinem mitte: postea Potus frigefacientes, diureticos, & topica remedia adhibeto. (6) — Si à Sanguine, hujusce morbi causa provenerit, (inquit Aretæus, (7)) eam Venæ Sectio tollit. At sive Pituita, seu Spuma, seu quævis alia humiditas eam produxerit, Venarum inanitiones, ampliorem Pulmonis locum, ad Respirationis transitum efficiunt.

C

bere

(1.) Id. c. 10.

(2.) De Structura Homin. c. 9.

(3.) De Morbis. L. 1. c. 25.

(4.) De Diæt. Acut. c. 12.

(4.) Id. c. 52.

(6.) Hippocr. De Morb. L. 3. c. 7.

(7.) De Curat. Acut. L. 1. c. 11.

In HEPATITIDE, (inquit etiam Hippocrates) ubi Dolores continui Hepar infestant, nec unquam deficiunt: Aliquando Bilem vomit Æger pallidam, & tum paululum melius sibi habere videtur; Si verò non vomuerit, Bilis ad Oculos venit, & fiunt valde flavi; & Pedes intumescunt: Si Fomentis, Clysteribus, Mellitis &c. non cedat morbus, tum dextra cubiti Vena est secanda, & Sanguis detrahendus ⁽¹⁾ — multus quidem, non autem confertim. ⁽²⁾

In ILEO (idem) ubi Intestinum præ Inflammatione obturatur, adeò ut nec Flatus, nec Cibi pertranseant; sed Venter durus fit; & Æger quandoque vomit, primò Pituitosa, dein Biliosa, tandem ipsum Stercus; Et Sitim habet, & Dolorem, maxime circa Præcordia; verum & totum Ventrem dolet, & inflatus est; & Anxius fit, & Febres corripunt: Hisce Sanguis ex capite & cubito est detrahendus, (multus subito, vel ad Animi usque deliquium, inquit Aretæus ⁽³⁾) Partes dein supra Septum transversum sunt frigefaciendæ; Infernæ autem calefaciendæ, homine in solio Aquæ calidæ locato, & Oleo illito; Glandulis, Clysteribus, Linctibus mellitis &c. etiam adhibitis. ⁽⁴⁾

In RENUM INFLAMMATIONE etiamsi à Calculo ibi formato fiat, ni Ætas prohibeat, Vena (inquit Aretæus) est secanda, ut multum Sanguinis libere effluat: Non enim tantum Inflammatio evacuatione, mitigatur; Sed Calculorum irritationes, Vasorum inanitione, laxantur, & Calculi per mictum faciliùs elabuntur. ⁽⁵⁾

Qui PODAGRICOS, CHIRAGRICOSVE dolores habent, (dicit Celsus) ubi eos primò sentire cœperunt, Sanguis est mit-

ten-

(1.) Hippocr. De Internis Affect. c. 31.

(2.) Aretæus De Cur. Acut. L. 2. c. 6.

(3.) Idem. L. 2. c. 5.

(4.) Hippocr. De Morb. L. 3. c. 15.

(5.) Aretæus De Curat. Acut. L. 2. c. 8.

tendus: *Id enim inter initia statim factum, sæpe annuam, nonnunquam perpetuam bonam Valetudinem præstat.* (1)

XXIV.

Tertiò, In omni Vasorum rupturâ, a quibus Sanguis majori copiâ, vel penitus extra Corpus ejicitur; vel in Cavitatibus ejus est aggestus; vel sub Cute hæreat, sanguis est mittendus; (Nisi quantitate spontè effusâ, vel necessariò effundendâ, adeò debilitatus fuerit Æger, ut jure sit timendum, ne ulterior detractio, Mortem ejus accelerare possit,) Et idem fieri debet si Vasorum distractio talis fiat, quæ hanc producere apta est. Hinc in Sanguinis Vomitu; In Diuturnâ Narium hæmorrhagiâ; In Excretionibus naturalibus immodicè continuatis; Post Vulnera quædam, Aneurismata &c; Quò scil. vis Cordis & Vasorum imminuatur; unde sanguis minori vi & celeritate propelletur; Et quò Revulsio à parte affectâ periculosâ fiat, versùs aliam ubi minùs periculum adfit. Hinc etiam ubi magnæ adsunt Contusiones, Ecchymoses &c; sanguis mitti debet; Quò ille, qui effusus est, à venis absorbeatur; & ità Suppuratio vel præpediatur, vel saltèm minor fiat.

SI VENA IN PULMONE (inquit Hippocrates) omninò rupta non fuerit, Distentio verò in eâ fiat; quæ statim Dolorem pœnue inducit, & Tussim aridam. — Si negligatur, fit sanguinis vomitus &c; Tales si ab initio curandos habuerit, Sanguinem emitte; & Diæta sit siccissima & exsanguissima. (2)

Omnes SANGUINS REJECTIONES, (dicit Aretæus) præcipuè à Thorace, Pulmone, Ventriculo, Hepate &c; sive per vasorum Rupturam, aut Erosionem; sive ob Sanguinis Rarefactionem, periculosæ sunt: Igitur si Sanguine referti sunt & Venas prominentes habent, in quolibet Rejectionis genere, Venam pertundito: Omninò verò ante Animæ defectum, sanguis est cohibendus; Nam

C 2

(1.) Celsus. L. 6. c. 18.

(2.) Hippochr. de Morb. L. 1. c. 10.

ipsa Hæmorrhagia, satis hominem labefactare potest; Continuum verò post paucum detractum, iterum detrahito, & eodem, & postridiè, & perendiè: Et hæc maturè facienda sunt; Nam si diutiùs sanguis feratur, illæ Partes assuetæ erunt ei suspiciendo. (1)

XXV.

Quartò. In Cacochymiiis quibusdam, præsertim ubi Alcalēscens aut Salina intemperies prædominat; maximè autem si Pulsum fortem & velociorem habeant sibi adjunctum; vel quædam Symptomata periculosiore induxerint, quæ nisi huic Remedio, vix cedere velint; Tum, inquam, Sanguinis Missio fieri debet, Ut Pars materiæ morbificæ evacuetur; ut Stimuli effectus imminuantur; ut Locus administrationi Medicamentorum tolerantium concedatur; vel ut Pars præcipuè laborans, aliquomodo levetur. Hic autem, ut verum fatear, maximâ curâ & circumspēctione est utendum: In talibus quippè, & Fluida & Solida, adeò immaniter à sano & naturali sæpè deflectunt, ut ad hocce veniendum non sit, nisi post omnes Circumstantias accuratè consideratas & æquâ Lance ponderatas.

Ita in ELEPHANTIASI, Venas in Cubito Ambas incidere; incidere & Venas in Malleolis, eodem die (præcipit Aretæus): Nam Sanguinem (addit ille) sæpè & multum mittere, operæ pretium est; hujus quippè Vitii est alimentum: Iccircò quâ ratione, pravum inquinatumque detrahatur, atque interim Corpori, familiare ac bonum procreetur, conjectandum est; quoad Alimenti penuriâ Morbus fatigetur: Nova enim esca applicata corpori, antiquam obscurat & debilitat (2).

BILIOSIS SPLENE MAGNO laborantibus; quibus malus Color adest; malis Ulceribus scatent; & ex Ore grave olent; & Tenuēs evadunt: Cum victu humectante; Catharticis; & Diureticis, con-
venit

(1.) Aretæus. De Curat. Morb. Acut. L. 2. c. 7. Et de Morb. Acut. L. 2. c. 2.

(2.) Aretæus. De Curat. Diuturn. Lib. 2. c. 13.

venit etiam (dicit Hippocrates) *Ut de Vena splenitide, frequenter Sanguinem mittant* (¹).

HYDROPE LABORANTI (inquit idem) *Si difficultè spiraverit; & Tempus vernum fuerit; & simul Ætas vigerit; & virium Robur adsit, de Brachio Sanguinem detrahito; Dein Panes calidos, ex Vino nigro intinctos, edat; quàm minimum bibens, quàm plurimum laboret* &c. (²).

In CACHEXIA (inquit Celsus) *ubi omnia Alimenta corrumpuntur: Quod ferè sit, cum longo Morbo vitata sint corpora; aut cum malis Medicamentis corpus est affectum; aut cum diu Necessaria defuerunt; aut cum inusitados & inutiles Cibos, aliquis assumpsit; aliquidve simile accidit. Huic præter Tabem, illud nonnunquam accidere solet, ut per assiduas Pustulas aut Ulcera, summa Cutis exasperetur; aut aliquæ Corporis partes intumescant: Hisce Alvus ducenda; tum Cibi paulatim dandi; adjectis Exercitationibus, Fricationibus, Balneis, &c. Cibis quoque opus est copiosis, variis, boni succi, quique etiam minus facilè corrumpuntur, & Vino austero: Si nihil reliqua proficiant, Sanguis mittendus est: Sed paulatim, quotidieque pluribus diebus, cum eo, ut cætera quoque eodem modo serventur.* (³)

A pluribus addendis abstinere: & jam dudum in nimiam prolixitatem excrevit hæcce disquisitio: Longior fui in Veterum sententiis exponendis quam destinaveram, ne mentem eorum, aliquo modo minus rectè exhiberem.

(1.) Hippochr. De Affect. c. 21.

(2.) Id. De Diæt. Acut. c. 62.

(3.) Celsus. L. 3. c. 22.

INVESTIGATION

REPORT OF THE COMMISSIONER OF THE GENERAL LAND OFFICE

IN RESPONSE TO A RESOLUTION OF THE HOUSE OF COMMONS

PASSED ON THE 14TH DAY OF APRIL 1881

RELATIVE TO THE LANDS BELONGING TO THE CROWN

IN THE DISTRICT OF THE COUNTY OF MIDDLESEX

AND THE CITY OF LONDON

AND THE DISTRICT OF THE COUNTY OF LONDON

AND THE DISTRICT OF THE COUNTY OF LONDON

AND THE DISTRICT OF THE COUNTY OF LONDON

AND THE DISTRICT OF THE COUNTY OF LONDON

AND THE DISTRICT OF THE COUNTY OF LONDON

AND THE DISTRICT OF THE COUNTY OF LONDON

AND THE DISTRICT OF THE COUNTY OF LONDON

AND THE DISTRICT OF THE COUNTY OF LONDON

AND THE DISTRICT OF THE COUNTY OF LONDON

Printed by the
PRINTERS OF THE
HOUSE OF COMMONS

LONDON: 1881